

恩綸

御賜吏部尚書汪由敦卹典



制曰吏部尚書汪由敦老成端
恪敏練安詳學問淵醇文辭雅
正簡任部務供奉內廷夙夜在
公勤勞匪懈前以偶撓寒疾當
命加意調治並賜醫藥以冀速

一

痊忽聞溘逝深為軫悼即日朕
親臨祭奠茶醎著加贈太子太
師入祀賢良祠並准其入城於
賜第停設賞內庫銀二千兩經
理喪事所有應得卹典仍著該
部察例具奏欽此
御製哭汪由敦詩

贊治常資理論文每契神在公
誠匪懈即世信何因言行遺編
簡老成謝縉紳真臨據一痛底
計日當辰
御賜祭文

地參密勿倚黼黻之良才職總
銓衡眷老成之令望惟蓋誠既

二

昭夙夜斯渥典宜備哀榮爾吏
部尚書汪由敦端方植品恪慎
提躬績學通經早負士林之譽
舒文華國預儲公輔之材直講
幄以簪毫由坊寮而進秩朝論
交推其手筆朕心實契其本原
簡侍禁廷屢加獎擢秩宗典禮

佐夏卿而歷地卿邦土考工領
憲部而躋銓部攝司風紀參預
樞機更七卿而懋績克勤承三
接而小心益勵嘉乃在公之素
副予委任之衷修詞必居要為
先爾更歸於醇正剖事尚如流
之美爾獨處以安詳久典綸言

三

常資贊治每當幾暇靜與論文
方藉宣勞何圖遘疾時詢病狀
尚賜藥以冀瘳遽軫哀聞更親
臨而抒慟賜內帑以申賻晉
宮銜而祀賢良爰命所司載頒
諭祭嗚呼綜生平之言行汗簡
傳聲薦此日之苾芬泉壚增寵

爾靈不昧尚克歆茲
御賜入賢良祠祭文
任隆贊治倚黼黻於良臣禮重
酬庸沛恩施於秩祀蓋文章政
事常宣夙夜之勞斯筵几牲醪
宜肅春秋之典寅清載飭渙汗
重申爾吏部尚書汪由敦體國

四

知宜立身有本早負清華之望
選列詞垣式孚潤色之才榮依
講幄由宮坊而掌乎四譯躋綸
閣而領及六曹佐我秩宗兵農
亦資其作貳持予邦典秋冬先
畀以專官敷歷則卿月咸周紀
綱則法星兼總以爾學成端雅

爰擢侍於禁廷以爾謨裕老成
乃俾承夫密勿惟爾益懋乃績
務殫厥心參預樞機出納皆知
其欽若典司制作挖揚具稔其
深醇羽可為儀度允推於朝右
文原載道論每當於朕懷當百
度之紛投定而能靜閱廿年如

五

一日始克有終洵言之可傳
必哀榮之大備賚領內帑特優
賜卹之儀寵溢如綸用錫晉階
之命勒貞珉以光吉壤披冊府
而易嘉名更昭稠疊之恩永展
賢良之祭於戲檐楹丹雘一時
竝煥於鼎鐘俎豆馨香百世同

芳於竹帛布茲渥澤庶爾歆承
諭塋原任吏部尚書汪由敦碑
文

朕惟靖共夙夜眷碩望於耆英
風勵聯常獎成勞於簡冊矧其
荷鈞樞之寄宣出納之猷宜賁
絲綸用光來葉爾加贈太子太

六

師原任太子太傅吏部尚書汪
由敦學有經術才為國華策名
膺載筆之榮蔚然清望揆藻本
有章之美卓爾儒珍由禮寺而
命直內廷歷綸扉而擢居卿貳
俾司邦土克若汝工載掌秋官
罔干予正攝風紀臺垣之任參

論思密勿之班惟爾業在維勤
志存有恪侍禁近者廿載彌著
小心更敷歷者六曹聿昭令績
晉三階而寅亮繼百職以持衡
晝接敷陳每見安詳之度幾餘
探論實嘉雅正之風持躬則言
行靡愆體國則初終匪懈倚毗

七

方資其翊贊楷模允式夫縉紳
疾疾忽聞動息皆闕座念參苓
莫效軫傷特為親臨爰優賻贈
之儀載錫宮銜之寵秩之禋祀
頒殊禮於賢良謚曰文端稱平
生之梗概於戲老成云謝鼎鐘
留黼黻之勲汪濊重申琬琰煥

松楸之色欽予懋典貽爾後昆

御製汪承霈進其父由敦

詩文集因題句當序

時晴書早壽苕華

汪由敦書法秀

潤久直內廷戊寅歲命翰
臣等排次進呈墨蹟為十
冊摹勒上石名子舍茲呈

遺藁嘉詩與古期歸雅正

文非時調去浮誇席前我

偶懷賈誼書讀爾休慙趙

奢舊日西清劇談輩祇今

誰在惹咨嗟

臣曹文植奉

勅敬書

勅恭和

御製元韻

曉捧

宸章洵露華先

臣叢稱荷

褒嘉以詩為序

奎文煥奉

勅成編藝苑誇未讀父書慙每積幸邀

天語願誠奢從今隻字須珍弄梨棗應無散軌嗟

都察院左副都御史臣汪承霈奉

都察院左副都御史_臣汪承需跪

奏竊_臣父原任吏部尚書_臣汪由敦以寒賤書生早

年力學迨遭際

昌期策名翰苑仰蒙我

皇上非常知遇入直

禁廷授簡簪毫得以親承

指授備叨

啟迪益稟鑽研每應

制賡吟奉

勅撰述積時既久篋草多存常語_臣等以文章一道向

來未涉津涯自荷

一

聖訓提撕稍知軌範擬加錄弄敬識

陶鎔未及纂排僅餘叢稿_臣愚學失學不能繼續父書

每念_臣父一生覃思學古幸得奉

聖主爲師資實儒臣未有之遭逢庶藉遺編永昭

恩遇不揣冒昧輒將_臣父_臣汪由敦詩集二十六卷文

集二十卷按年編次謹繕寫清本裝潢成帙恭呈

御覽伏祈

皇上訓示_臣無任悚息待

命之至謹

奏

都察院左副都御史_臣汪承需跪

奏爲恭謝

天恩事竊_臣於本月二十四日謹將_臣父汪由敦詩文

稿繕寫進

呈蒙

恩賜

御製詩當序_臣跪讀之下感激涕零莫可言喻伏念_臣

父久直

禁廷備邀

隆遇沐

君師之洪造窺著述之大凡積日既多遺編未軼_臣材

二

非負荷學夫鑽研敬因編次之餘永志

生成之感仰塵

庸寬特弁

宸章

示雅正之攸歸許浮誇之盡謝

天褒賁寵比華袞以逾榮

帝眷垂慈逮重璫而不朽前此臨書摹泐久入

鑒題今茲叢稿臚陳復經

品隲凡

聖主非常之賜實儒臣僅有之遭_臣未讀父書每慚子

心願効拜嘉之惻莫罄頌揚承懷

軫之仁難名啣結臣現將臣父詩文稿刊刻謹冠御製詩于簡端俾臣世世子孫珍藏弄讀以誌臣父生

平

恩遇於無既所有感激下情謹繕摺恭謝

天恩伏乞

聖鑒謹

奏

三

奏稿臣父原任吏部尚書臣汪由敦所著松泉詩文集前經臣繕本恭

工部右侍郎臣汪承霽覽

進仰蒙

睿鑒

特錫宸篇

李翰昭回藝林傳誦既曲垂夫

褒許復

申命以雕鐫臣恪奉

絲綸謹加剞劂

天章首弁千秋欽

四

諭定之真叢帙聯刊冊卷校編臚之舊念昔叨承

筆札成家原悉本

師資欣茲齊付棗梨印本尚冒陳

乙覽豈獨華宣刻琰銘

渥寵于非常庶期錄著崇文藉

榮光而不朽臣無任感悚忻忭之至謹將現在校刊之

松泉詩集二十六卷文集二十卷裝演成冊恭呈

御覽謹

奏



傳

錢維城撰

汪由敦字師茗安徽休寧人幼穎異讀書目數行俱下初名良金十歲就試不售改今名徽人商杭者令甲別立商籍由敦年十九遊浙中循例入試補錢塘縣學附生故又爲錢塘籍時徐元夢撫浙江聞其名延致幕中繼元夢入爲工部尙書由敦以國子監生偕入都雍正元年疏薦引見充明史館纂修官故事史局編纂例用詞臣由敦以諸生被

命時論榮之二年三月舉順天鄉試八月成進士改翰林院庶吉士散館授編修十年充日講起居注官

傳

一

十一年四月授右春坊右中允八月授翰林院侍講十三年轉侍讀

皇上初卽位授提督四譯館太常寺少卿仍兼講官館卿向無兼記注者由敦以文學風爲

上所知故有是

命乾隆元年入直

南書房授內閣學士二年會御史劉元燮以風聞具劾降翰林院侍讀學士五年仍爲內閣學士六年授禮部左侍郎調兵部左侍郎八年充

經筵講官九年轉戶部右侍郎授工部尙書轉刑部尙書十一年兼署都察院左都御史旋入直軍機處

丁卯戊辰之間金川方用兵羽書旁午

皇上睿謨廣運燭照萬里之外指授方畧日數千百言
由敦視草援筆立就無不當

上意十四年金川平加軍功三級旋加太子少師協辦
大學士俄以代原任大學士張廷玉陳奏事革職
畱尙書任自效十五年復任尙書夏六月永定河
決固安奉

命往勘籌議堵禦悉合機宜會四川學政朱荃以墨敗
由敦會舉荃典試復革職仍理兵部侍郎事自贖
是年冬

特恩蔭一子分部學習十六年補戶部右侍郎復奉

傳

二

命勘永定河時積水爲患有言宜別開新河歸海者由
敦徧歷沿河州郡度地形勢議以暴水爲患由河
身淤淺芟滄之當自息別開新河未見其利日久
復淤無益又當壞民田慮無算宜仍舊便奏上

報可十七年授工部尙書十九年加太子太傅兼理刑
部事二十年轉刑部尙書敘平準噶爾功得軍功
加三級自準噶爾出師以來由敦偕同事諸臣晨
夕進見日數四時或扈從

召對帳殿亦如之其勞與金川時同二十一年轉工部
尙書兼署吏部事二十二年轉吏部尙書二十三
年正月卒于官年六十七諡文端由敦學問淹貫

於書無所不窺爲文章典重有體詞約而旨深少
負重望自以諸生直史館當事卽以公輔期之及
官翰林

朝廷大制作必屬之一時奉爲矜式其他碑版序紀
及古今體詩俱爲時所傳誦有詩文集若干卷行
於世尤嫺歷代掌故前後考定樂章祭器鹵簿及
朝會升祔諸大禮皆斟酌古今釐然爲一代制爲
人沉靜寡言笑喜愠不少見於色遇事有識默定
于中不以議論捷給相尙當羣言紛沓徐出一語
聞者厭心以爲不可及也氣度端凝整暇極性德
中亦從容不失條理雖以文學受

傳

王

主知而簿書錢穀刑名法律之事亦無不究心焉性尤
慎密每有贊畫絕口不言雖子弟親戚不使知
上由是益倚任凡塞外
行圍及四方

巡幸必以由敦從

恩禮錫賚不可殫紀而由敦益小心敬慎竭力奉職無
少懈卒以勞疾不起

皇上親臨其喪哭之慟

賜陀羅衛以殯

命內務府大臣理其喪復

諭內閣曰吏部尙書汪由敦老成端恪敘線安詳學問

清代詩文集彙編

淵醇文詞雅正簡任部務供奉內廷夙夜在公勤勞匪懈前以偶授寒疾當命加意調治並賜醫藥以冀速痊忽聞溘逝深爲軫悼卽日朕親臨祭奠茶醴着加贈太子太師入祀賢良祠並准其入城於賜第停設賞內庫銀二千兩經理喪事所有應得卹典仍着該部察例具奏大臣禮遇之隆近罕其比論者亦以由敦爲當之不

愧焉由敦尤工書卒之後

皇上命哀輯勒石凡十卷筆法深穩端勁如其爲人

傳

四

欽定四庫全書提要

松泉文集二十卷詩集二十六卷

工部侍郎汪承憲進呈本

國朝汪由敦撰由敦字師茗安徽休寧人以商籍補浙江學生故又爲錢塘籍雍正甲辰進士由編修官至吏部尚書

贈太子太師諡文端由敦記誦淹博文章典重有體自

爲諸生卽以才學著聲及登第以後策名詞館案

筆

講韓荷蒙

皇上特達之知游加拔擢入直

禁廷每應

制廣吟奉

勅撰述無不仰承

聖訓指示塗轍藝林溯本學海知源所業日以益進晚

年遺稿頗夥未及編次其子工部侍郎臣承需謹

加排次都爲二集文集分二十三門詩集自戊子

迄丁丑凡五十年之作共成四十六卷繕本進

呈復蒙

特賁宸章曲加

評陶嘉詩篇之雅正許文律之清醇

御藻親摘光垂不朽此固由敦之積學能文榮膺稽古

而人臣私集得以上邀

天獎題詞弁首實千古未有之
殊施尤海內承學之士所爲敬誦
奎文交相感頌者爾

工

松泉詩集總目

卷一

詩八十首

卷二

詩九十八首

卷三

詩八十三首

卷四

詩四十二首

卷五

詩五十一首

松泉詩集

總目

卷六

詩四十九首

卷七

詩六十首

卷八

詩九十一首

卷九

詩九十九首

卷十

詩六十六首

卷十一

清代詩文集彙編

詩八十四首

卷十二

詩七十八首

卷十三

詩八十首

卷十四

詩八十一首

卷十五

詩五十五首

卷十六

詩六十四首

松泉詩集

總目

卷十七

詩六十六首

卷十八

詩五十六首

卷十九

詩五十九首

卷二十

詩五十六首

卷二十一

詩六十一首

卷二十二

工

詩八十二首

卷二十三

詩八十一首

卷二十四

詩五十四首

卷二十五

詩八十八首

卷二十六

詩五十六首

松泉詩集總目終

松泉詩集

總目

三

一二

松泉詩集卷一 起戊子孟春

吏部尚書汪由敦撰

種慧庵偶作

讀書卧禪舍近與田園事匪一厥功分逸勤力
作候其時歲功首三春疏畦菜甲長並隴麥秀勻方塘
漬穀種駕犁壯惟惇健婦雜衰翁荷鋤紛如雲終歲不
得休不救數口貧依依相勞苦禮畧意則真默思士何
事安坐首回民僂蹙玩時日將毋愧斯人

龍眉一老斐貌古心澹漠畢生事耕稼窮老病腰腳杖
藜倚柴門徜徉暢所樂吾家萬山巔寸土盡墾鑿田少

松泉詩集 卷一

生息繁有田況墾惡所以逐末多四方走躑躅老叟年
八十生未離村落春及啟土膏霜晴課朝獲牆頭瓜綿
蔓籬下雞膺膊菜教稚子鋤酒呼鄰翁酌且無風波虞
莫歎生計薄

黃口田家兒赤腳行步澀烏健三兩頭驅之下長隰塵
來憤自砥浴罷耳猶濕兒也無所爲坐卧綠草合望烟
就家飯占兩荷蓑笠春山蕨可采秋壑橡可拾依依親
戚前微勤力能執東鄰有驕子少小在城邑菽粟且不
分但矜習拱揖

題畫冊三首

秋氣肅以清澄江曲如帶青山半有無窮窅疎林外

野望

一徑深林杳茅屋面南山流水遠階除何人相往還
樹色入空濛微芒辨山骨雞聲溪外聞人行霧中沒
暮雲垂野澗細雨入林稀山草隨時長溪禽自在飛地
偏宜寂寞心靜惜芳菲徒倚東臯望歸僧款夕扉

青衣曲

青衣初來時牀前抱小姑小姑既抱子青衣尙無夫
洗紅溪邊石展齒印成窪羣魚戲清波雙禽浴圓沙

試後寄懷查頌三

鍛羽離羣此日兼書帷藥裏思慙慙花前人遠偏勞憶
衆裏身卑祇自嫌月黑松窻天黯澹燈青蕭寺雨霏霏

松泉詩集 卷一

卷一

工

新秋擬訂西湖約紅藕風清颺酒帘

溪軒雜興

橫林缺處見孤村敗壁藤扶靜掩門人去斜陽樵路杳
鳥過遠岫暮雲繁炊烟乍起峰腰暗汲水爭歸渡口喧
入夜前溪渾欲失松燈點點出平原

葛衣涼透怯西風爲愛秋光興不窮蝶戀晚香仍款款
燕辭殘暈又匆匆遙天欲雨山頭白返照烘霞水面紅
何用興悲同宋玉好收新景入詩筒

阻風梵村登雲栖禪院

乍駭風濤壯扁舟雪浪衝旋攜遊屐去數里白雲封竹
暗仍留雨烟深不辨峰招尋最初地鳥語下長松

清代詩文集彙編

一四

西湖四賢祠

唐宋儀型在祠開聖水濱文章三刺史風雅一山人柳
色排簷澹湖光照檻新小詩徒疥壁寤寤想接芳塵

東坡先生雪後書北堂壁韻和者最多戲成二首

鵲尾鑪熏欽玉纖寒威鶴訝夜深嚴雀羣覓稻留鴻爪
童輩搏獅效虎鹽色晃銀屏看照座林開瓊樹欲排簷
前峯飄渺來姑射不動香塵淺印尖

千山鳥絕竹藏鴉無復楓林坐晚車烟起樓臺浮暖玉
香消蔭菊散天花敲鐘雲外知僧寺掃逕橋邊認酒家
隱隱新梅何處覓參差石畔樹交叉

孟春十日侍家大人暨諸伯叔兄弟謁先高祖岡

松泉詩集

卷一

三

卿公道像次文學叔贊弓先生韻

像爲公按江西時
十三郡人所奉

歲歲春盤不暫違從容羅拜燭生輝傳家清白餘霜簡
入夢分明識繡衣草徑雪消勻綠淺梅梢香暖綻紅肥
東風翦翦人如醉歸路扶攜趁落暉

過宋家洲

夾水擁長洲林樹布廣樾一片淺灘明鷗鷺點晴雪照
岸雜花香蒼莽富筍蕨齧石集奔流豁裂魚龍窟沙崩
螺殼腥草短虎跡沒畧約如朽椽春漲每漂汨籬舍自
成村茅宇平岡結居人狎網罟又釣隨片筏古寺隔溪
紅鐘磬上方徹石闌抱山腰樵歌半空咽脩篁自陰翳
人影見恍惚捫蘿快一遊詠歸仰新月

東下

扁舟東下路漫漫幾度秋風襖被寒坐對青山遲短棹
醉乘明月過前灘羅江浪湧兼天白鷹嶺楓高映日丹
惆悵曩遊旋旋惜別雷峯愁聽暮鐘殘

寓樓

欺人鄉思總無聊片月孤雲影自遙乍落帆檣辭客舫
又聽鐘梵坐僧寮過牆色愛鄰家竹撼枕聲驚海上潮
國史半囊堪作伴青燈如豆雨蕭蕭

江上

潮落平沙澗烟收遠樹疎夕陽人候渡極浦鳥爭漁孤
葉蜻蛉舫舫長鞭殼簾車柴門斜逐岸合稱野人居

松泉詩集

卷一

四

雨中登通元觀

屏跡江干倦久稽登臨端不惜衝泥千家碧瓦朝烟重
百雉層城古木齊雲散羽衣丹竈冷苔留鶴影石壇低
蕉窗剩有芙蓉放冒雨應邀謝客題

卽事

華堂良夜若爲娛絳樹新翻一串珠燄燄影搖金鑒落
茜裙光動紫瓊瑜行雲忽駐香塵合好月斜明綺席鋪
蓮漏沈沈擲紅豆隔牆雞唱雜啼烏

送查大

嚴城小院聽疎砧到日微霜入柏林黃葉秋風同作客
青燈夜雨夢聯吟文犀匣吼仍埋劍古錦囊留未碎琴

不爲離慘重回首敝貂披處欲沾襟

雪後遊紫陽洞用石閒薩雁門韻

愛雪踴徧吳山峯雪光石影相玲瓏月波池畔飛石磴
高低玉削千芙蓉古洞苔青雪爲屋滴雨澌珠敲紫竹
瑤臺路近鶴不歸洞門空鎖白雲宿

題丁布衣乃清篋耕圖

短衣攜具餉邱南瓦缶甕壺竹筍籃何處陰濃堪舉案
豆棚斜靠柳移珍

黃雲是處簇深秋健婦腰簾也滿篝祇有硯田荒片石
早年悔不事西疇

旅食飢驅足苦辛判須身學書中人山妻自饒斜陽坂

松泉詩集 卷一

五

新稻吹香奉老親

登吳山作

第一峯前望眼開雪山晴捲海門來雙溪渡口魚書杳
不似江湖日兩迴

夜聽金上舍彈琴口占

爐篆初消燭影紅清尊人散微簾樵雁飛杳杳江天白

一調瑤琴月可中

除夕雜書

細腰鼓響遍殘年梅柳憑教漸遲妍客况已經頻歲慣
何妨興味總蕭然

索通鄰巷任喧喧卧起無聊笑口開也欲經營除夕事

送窮過了賣痴歎

餓盆爆竹一番新出塾兒童笑語眞却訝先生未免俗
僂僂呵凍寫宜春

虛耗驅除蚤試燈春聯帖過換門丞酒酣盡地金錢布

十載風光憶晉陵

武進俗於除夕以粉
畫地作金錢弓矢狀

和金上舍韻

年時突兀儘容痴雨雪飄零且未歸隔巷鼓喧春蚤入
故園尊賤夢都非祭詩那得能生熟煮字何時解療飢
剪燭通宵漫成興不禁心事苦相違

荒疎未敢號書痴風雅於今孰與歸乍欲放懷難了了
不妨入想更非非桃人笑罵爭高下臣朔詎諧訴飽飢

松泉詩集 卷一

六

且泛屠蘇夜深飲漫拈詩律論從違

早春泛湖

閉戶手一編神疲目俱瞿偶命西湖舟景物恣討究湖

面冰初開鴨綠盪軟皺泛泛沙禽來梳翎屢迴味水氣

淡飛烟晴光寫雲岫眷茲風日佳况據湖山秀渚梅香

微吐隄柳春已漏大塊之文章脫我亦良厚

更陟湖上山山如畫屏盡北峯殘雪高南峯白雲宿古

寺依長林危石界飛瀑微暄亦已和蒼翠紛相屬谷口

鐘冷冷松下風謾謾清曠愜遠心窈窕引遊躅歸來紀

茲勝研山有餘綠

春詞

三五清光闋燭銀朦朧雜沓認難真蓮花冉冉凌波步
盡染香街十丈塵

香車輕轆慣經過挽臂兜鞵艷綺羅照影分明嫌火樹
背人貪看鬧秧歌

風光彈指過新年好夜難逢月再圓漠漠春陰凝釀雨
一般心事落燈前

垂垂絲柳絮漫漫香徑苔深未放寒了髻村童賣花過
畫簾高揭凭闌干

春困連朝未下階綈轔慵製踏青鞵強邀園草東園去
小妹先輸瑟瑟釵

掩映紅樓柳陌西春花纔放已成蹊那知更有春深處
松泉詩集 卷一 七

是處看花惜馬蹄
臨安災

諠諠出出妖鳥呼融風簌蕩炎官趨絳旂朱蠹轟雷車
祝融下視紛掀掀古杭之會吾其徂古杭之會南宋都
烟火十萬環圍圍魚鱗鱗次排蝸廬雄哉夏屋何渠渠
綠垣潦草何其愚飾以堊粉中編蘆熱屬乘墻日闌闌
乘間竊發吁難遁歛歛若揚洪鐘頃刻銘冶黃金鋪
倉皇列隊奔水夫長吏廣輿塞周衢轆轤長綆翻斗斛
豪門甲第富所儲帳前銀蒜垂流蘇妖姬驚起不及扶
顛倒紫鳳繡羅襦桑欄感折雙春趺蓬頭露坐那暇梳
更有寡母泣且吁泔泔統供旦夕糈旬月不滿千青蚨

上奉老姑下藐孤連緣羅禍殃池魚祝融又瞰軍門惻
堂皇深迢安且踰神明似昧貴賤殊折聖乃悞平頭奴
罽毼鬱攸延構檀兵校左右史胥徒拱護印紱節與跌
燭龍之而擲額珠烏噪不已側栢枯河伯縮伏愁天吳
使相行臺俄已墟重簋碎雜瓊瓊甌中丞揣恐持官符
望風角崩禱且膜東偏傑閣皮賜書其幸勿燼蒙濟濡
祝融用命翅前驅頭焦額爛嘻少甦或云麗譙截辟形
齟齬或云拱辰橋圯城北陬鎮壓其令仄刼祛形家者
言諒不誣上章交戟公日諫長虹一道金錢輪或者又
云吳山廟貌蒿萊蕪比之丹雘新前除偃僂紛若用史
巫伯以椒醕神或娛我聞鶉火粲白榆火房灼灼心之

松泉詩集 卷一 八
虛出納有政王者模丁壬午酉夫婦需重離之明文象
敷麗于翼木陽乃舒會城自昔形勝區磅礴鬱積鍾扶
輿況乏埏埴供堅塗徒薪無乃求良圖五行災異言紛
擘地形雜占輒而迂神遠人邇捷鼓桴神豈好諛胡獻
諛公孫不作子服祖璣竿玉瓚何爲乎

看山
好山如好書識者領真趣方其意得時歷歷與心遇回
眺舊峯粵橫側已非故睽睽高下殊起伏遠近赴拙哉
書師畫落墨往往誤我欲持長箋一步一着句辭費徒
茫然語妙况難措貯此胸臆閒閉門恍然悟
過丁乃清書樓

賸有餘閒作往還每來高館俯塵寰風光盡入三層檻
晴靄低迷幾曲山好客坐看烟樹綠新詩吟對夕陽殷
漫拈書幌思陳事瓊蕊當窻手自攀

丁亥余讀書是樓
樓前玉蘭最盛

咏物

蜂

早晚放衙時各各供所取開房割蜜脾甜處本辛苦

蠅

適從何處來遂致廢吾豆附驥或千里看爾十月後

蟬

森木輕颺入濃陰露光溥所托在高潔何爲綴華冠

蚓

松泉詩集

卷一

九

屈結泉壤下幾曲鳴自得既垂大雅音易弗務臧默

螢

金井素月流星星撲羅扇微光能幾許草際苦自炫

蚊

成市殷雷轟叢身飛鋏集若非羅紋疎利口終難入

春湖曲

二月明湖春水新湖頭是處好嬉春段家橋聳雪初盡
白傅隄長草漸勻眠起垂楊偏綽約夢闌啼鳥越精神
年來未慣遊閒趣行過雷峯悵望頻

最好風光

御苑西宮花宮柳壓牆低月銜睥睨鳴初放日上鳳棲

鶯早啼幾處飛樓閣錦繡一篙平漲徹玻璃行人指點
巡遊處曲曲長廊聽馬嘶

紙鳶高入颿雲濃偶趁兒嬉踏碧峯到處放懷原少恨
舊遊回首已無蹤濛濛香霧三天竺謾謾風濤九里松

寶塔繡竿隨地現南屏鐘應鳳林鐘

鴛鴦吹徹寺門前寒食清明又一年浪感輕風浮淺碧

山堆濃黛染新烟卷簾嬌女乘油壁挾彈王孫試錦韞

夕照漸低南北嶺定香橋外喚歸船

松栢龍葱入望餘紅闌曲水定誰家蜂鬚粉退沾餘釅

燕嘴泥新帶落花粧卸峰前雲影散杯闌樓角月痕斜

開簾恰對西南路蹠地垂楊映白沙

松泉詩集

卷一

十

選勝青郊暫作歡杏黃衫子試輕紉韶光一半催鷓鴣

花事三分到牡丹喜放新晴憐筍屐不禁微倦倚橋闌

中流誰載笙歌舫金縷纔終日已殘

紅隄不見六萌車隄上氤氳園物華芳草有情承杏雨

遊絲無力冒楊花芙蓉裙衩驚眠蝶翡翠冠翹護髻雅

爲問山塘冷遊路可應春色屬吳娃

年時幾度好風光晝漏沉沉漸覺長一徑落紅紛歷亂

半空飛絮太匆忙夜深鶴舞通仙墓月暗鵲啼賈相莊

笑指水西清淺處纜船曾挹藕花香

蘭皋主人索和蘭陵紀夢詩

共說東方第一流紅粧枕擁合歡稠瓊廚盡飾葡萄錦